

UGOVOR

Br: 0602-908-21/20

Nadogradnju geoinformacijskog sistema Axiom Memento

UGOVORNI ORGAN: KJKP "POKOP" d.o.o.Sarajevo, Mula Mustafe Bašeskije 38, kojeg zastupa direktor Goran Cerić (u daljem tekstu: Ugovorni organ)
ID broj: 4200119040004; Porezni broj PDV: 200119040004.

DOBAVLJAČ: AXIOM d.o.o. Čakovec, Bana Josipa Jelačića 22b, kojeg zastupa direktor Jerko Spahija (u daljem tekstu: Dobavljač)
OIB broj: 07795389714;

UVODNE ODREDBE

Član 1.

Ugovorne strane sklapaju ovaj Ugovor na osnovu provedenog postupka javne nabavke – Pregovarački postupak bez objave obavještenje broj 0602-908-5/20 od 11.03.2020. godine - **Nadogradnja geoinformacijskog sistema Axiom Memento**, Odluke o odabiru najpovoljnijeg Dobavljača, broj 0602-908-19/20 od 08.04.2020. godine, i prihvaćene ponude Dobavljača broj 0602-908-17/20 od 07.04.2020. godine, koji su sastavni dio ovog Ugovora.

PREDMET UGOVORA

Član 2.

Predmet ovog Ugovora je **nadogradnju geoinformacijskog sistema Axiom Memento**, prema prihvaćenoj ponudi dobavljača i prema zahtjevima Ugovornog organa.

UGOVORENA CIJENA

Član 3.

Ugovorena cijena za nabavku i isporuku usluge iz člana 2. ovog Ugovora iznosi:

Cijena usluge koja su predmet ovog Ugovora bez PDV-a iznosi 29.000,00 KM.

PLAĆANJE

Član 4.

Ugovorni organ će plaćanje cijene iz člana 3. ovog Ugovora izabranom Dobavljaču izvršiti u roku do 30 (trideset) dana nakon prijema uredno ispostavljene fakture za izvršene usluge, na transakcijski račun naznačen na fakturi.

Dobavljač je dužan izdati/sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ, ni onda kada je fakturu primio, a nije joj prigovorio.

ROK REALIZACIJE

Član 5.

Dobavljač se obavezuje da će usluge definisane članom 2. ovog Ugovora izvršiti u roku od 160 (stotinušezdeset) kalendarskih dana od dana potpisivanja ugovora.

UGOVORNA KAZNA

Član 6.

U slučaju kašnjenja u izvršenju usluga do kojeg je došlo krivicom odabranog dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene usluge za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti usluga koja je predmet narudžbe.

Odabrani dobavljač je dužan platiti ugovornu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovornu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveza postane nemoguće zbog vanrednih vanjskih događaja na koje izabrani dobavljač nije mogao utjecati, niti ih predvidjeti.

OSNOVNE OBAVEZE DOBAVLJAČA

Član 7.

Usluge nadogradnje podrazumijeva sljedeće aktivnosti:

- Izradu Godišnjeg Plana održavanja svih groblja (aktivnih i separatnih), iz koga će proizaći kvartalni planovi, kako za cijelo preduzeće, tako i za svaku organizacijsku jedinicu preduzeća (radne jedinice);
- Praćenje realizacije Plana održavanja za cijelo preduzeće, svaku organizacijsku jedinicu pojedinačno, odnosno svako groblje pojedinačno;
- Uvid u evidencije izvršenja radova svakog izvršioca, što će u nekom od narednih perioda omogućiti plaćanje prema radu.

Nadogradnja sistema će omogućiti automatiziranu izradu periodičkih planova održavanja prema evidentiranim količinama (broju objekata i/ili ukupnoj površini) pojedinih tipova objekata (npr. travnjaci, žive ograde, slivnici, staze i sl.). Također će prema popisu planiranih radova za pojedini tip objekta, normative i definisane cjenovnike radova omogućiti finansijsko planiranje troškova održavanja, kako na godišnjoj, tako i na kvartalnoj odnosno mjesečnoj razini.

Evidencija izvršenja radova na nivou krajnjeg izvršioca omogućit će praćenje izvršenja plana količinski i finansijski te u budućem periodu i obračun plaća prema izvršenju radova. Sistem će biti koncipiran na način koji će omogućiti naknadno dodavanje novih slojeva, atributa slojeva i radova za pojedini tip objekta te izmjenu normativa i cijena pojedinih radova od strane korisnika.

Član 8.

Dobavljač nije ovlašten da zaključuje podugovore sa drugim licima u cilju realizacije ugovornih obaveza bez prethodnog pismenog odobrenja Ugovornog organa.

OSNOVNE OBAVEZE UGOVORNOG ORGANA

Član 9.

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 4. ovog Ugovora).

Obaveza ugovornog organa je da Dobavljaču osigura tehničke uslove za rad udaljenog pristupa računalu (veza na Internet).

RASKID UGOVORA

Član 10.

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne izvrši usluge kvaliteta datog u Ponudi;
- ako poslije djelovanja više sile nije moguće nastaviti realizaciju Ugovora;

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorene strane su saglasne da ni jedna strana drugoj neće dugovati nikakvo obeštećenje niti nadoknadu i da će u svemu izmiriti međusobne obaveze.

RJEŠAVANJE SPOROVA

Član 11.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorene strane ne postignu dogovor o spornim pitanjima, za rješenje spora nadležan je sud u Sarajevu.

ZAVRŠNE ODREDBE

Član 12.

Ugovorne strane su saglasne da sve što nije regulisano ovim Ugovorom primjenjuju se važeće odredbe Zakona o obligacionim odnosima.

Član 13.

Ovaj Ugovor stupa na snagu danom obostranog potpisivanja od strane ovlaštenih lica ugovornih strana.

Član 14.

Ovaj Ugovor je sačinjen u 6 /šest/ istovjetnih primjeraka od kojih Ugovornom organu pripadaju 4 /četiri/ primjerka a ostala 2 /dva/ Dobavljaču.

UGOVORNI ORGAN:

KJKP „POKOP“ d.o.o. Sarajevo

izv.dir. Asmir Hodžić



Direktor Goran Cerić

DOBAVLJAČ:

„Axiom“ d.o.o. Čakovec

Direktor, Jerko Spahija



Broj, 0602-908-21/20
Sarajevo, 20.04.2020. god.

Broj, 1
Čakovec, 20.04.2020 .god.